

I Bayibuli iye babaana  
ikhureerera



Nowa ni  
Khuusalasala  
khwe  
kameetsi



Byaronebwa ni: Edward Hughes

Byaloosebwe lakho ni: Byron Unger; Lazarus  
Alastair Paterson

Byan'gan'gasibwa ni: M. Maillot; Tammy S.

Byaayusibwa ni: Rev Eridad Milton Shissa

Byaarusibwa ni: Bible for Children  
[www.M1914.org](http://www.M1914.org)

©2020 Bible for Children, Inc.

I Layisiinsi: Uli ni buubalaayi khuukoopolola namwe khuukhupisamwo  
luukano luno, n'uuba nga s'uuli khuutsya khuulukulisa ta.



Nowa aaba umusaani  
uwisaaya naabi Wele.  
Ne babaandu babaaramile  
boosi baabiiyila naabi  
luundi baamiinyaalila Wele.



Shifukhu shitweela,  
Wele waaloma shishiindu  
shishiisindusa naabi. Kila  
alomela Nowa ari, "Intsya  
khuuhesa shiibala shishoonaki  
shino shoosi. Be muungo

mwoowo ni


nawe

mwenyene

nibo babaatsya

khuramawo

nga baalamu."



Aryo Wele waareewula Nowa ari,  
Khuusalasala khwe kameetsi khutsya  
khubawo khwiitsuse shiibala shoosi.



Kila amulakila ari, "Yoombekha ku Khon'golo khukhwaama mu kusaala, liliinyala Iyaasuta be muungo mwoowo boosi, ni biisolo bibiindi biikali swaa busa." Musaambo iyo, Wele waaha Nowa biilakilo bye khuutsiilakho. Aryo Nowa waarakikha khuukhola!





Babaandu baatsekhelela  
Nowa, musaambo isi  
aabasontsoolamwo  
Iwashiina alikho  
oombekha  
likhon'golo.

Ne Nowa  
niye weelosela  
khukhwoombekha.  
Naluundi weelosela  
khuuboolela babaandu  
bibiihaamba khu Wele.  
Ne mbaawo na mutweela  
uwarekeeresa ta!



Nowa niye aaba ni khuufukiilila khuukali  
naabi. Niye aafukiilisa mu Wele abe yakhaba  
nga ifula ishiili khukwatsakakho ifwaana iryo ta.

Lubaluba, likhon'golo lyaawa  
khukhwoombekha nga  
lyoolele khuusuta  
byoosi bye  
khuutsyamwo.






Khuunyoowa biisolo byeetsa. Wele waareera  
musaafu khu bisolo bye saambo ndweela, ne bibili  
bibili khu bye saambo ikiindi.



Binywiinywi bibiili biiboofu ni neebyo bibiili  
bikyeeekhe, biisolo biikyeeekhe ni neebyo bibiili  
bileeyi, byoosi byeetsa byaniina  
mwikhon'golo.



Winyoola babaandu baakhupila Nowa liyoombo  
ni aaba nga alikho engisaka biisolo. Nibo  
baalekha khwaakamisa khukhwoonakisa  
isi Wele ta. Nashiryo baalekha  
khuloomba bari nabo beengile  
mwikhon'golo ta.





Lwanyuma lwa  
byoosi, biisolo  
byoosi ni  
binywiinywi  
byoosi byaba  
byeengiile. Aryo  
Wele waalomela Nowa  
ari, "Ari wamweene nawe  
yiitsa mwikhon'golo.  
Iwe wamweene ni be  
muungo mwoowo."





Baryo, Nowa,  
umukyelama  
weewe, ni basoleli  
beewe bataru, ni  
bakyelama baabwe  
beengila mwikhon'golo.  
Lwanyuma Iwa byoosi Wele  
weekalawo kumulyaango.



Lwanyuma ifula  
yaarakikha. Yakhupa  
nameeyiriira inyene,  
yaanyirisa liiloba aasi  
khumala bifukhu  
kamakhumi kane ni biilo  
nabyo kane.





Khuusalasala khwe kameetsi  
khweekha khu biriimba  
ni khu byaalo.





Ifula ni  
yaakama  
khuuroonya,  
tsinjiingi natsyo  
tsyooosi tsyaba tnyaabiimbibwile ni  
kameetsi. Nashiryo buli shiindu  
shoosi shiilamu shaahela.







Karyo kameetsi ni kaaba  
nga keelosela khuuniina,  
likhon'golo lyaakelakela khu  
ngaaki khwako. Winyoola  
manya mukari mwabamwo  
shishiilima shiikali, manya  
lyaba litengaala busa, manya  
buli shiindu shaba shiriisa.  
Ne shonyene ndi likhon'golo  
lyabiimbilila Nowa waalekha  
kjuhela lwe khuusalasala  
khwe kameetsi ta.



Lwanyuma lwe kimyeesi kiraano  
kye khuusalasala khwe kameetsi,  
Wele waasiindikha imbewo  
ibalakasa antsye.



Mbolambola, likhon'golo lyaaba nga  
liikha, lyeetsa lyaawolela khu njiinji  
tsya Araraati. Nowa waarama mukari  
khuumala bifukhu kamakhumi kane  
nga kameetsi ni kaaba  
nga kaweelela.



Lwanyuma Nowa waarumana kikhoolo ni liwuusi nga  
bibiirira mwitilisa lye likhon'golo lilyaba liliikule. Ne  
liwuusi ni likhaanyoola aasi akhubalakafu ekhuwolela  
ta, liwuusi lyaakobola mukari isi Nowa.



Lwanyuma lwe sabiiti ndweela, Nowa waakhakakho  
luundi. Liryo Liwuusi  
Iyaakobola  
nga



Iyaasutile lisaafu Iye  
kusaala ku olivu khu  
minwa kyalyo. Indi  
lwanyuma lwe sabiiti  
ndweela, Nowa waamanya  
ari aantsye aabalakaale  
Iwekhuuba kwa  
luno liwuusi  
silyakobola  
ta.




Wele waalomela Nowa ari, imbuka iyo yaba niyo  
iye khuurura mwikhon'golo. Boosi atweela  
baaruramwo, niye atweela ni be muungo  
mweewe baarusakamwo  
biisolo byoosi.



Nga Nowa aaba ni  
khumwikhoyo kumukali!  
Isho shaakila woombekha  
shisheeso, wesaaya  
Umukasya Wele,

uwamuwonesa niye  
atweela ni be  
muungo mweewe,  
khukhwaama isi  
khuusalasala khwe  
kameetsi.






Aryo Wele  
waaha Nowa  
shiisubiso she  
kamaani. Nga  
aloma ari s'aaliilayo  
luundi ahese shiibala ni

khuusalasala  
khwe kameetsi,  
nga awa babaandu  
shiitaambiso lwe  
bibyoonako bye  
babaandu ta.







Wele waaha  
shiishebuliso  
she kamaani  
shishiiwaamba khu  
shisuubiso shino.

Luufutu lwaba nilyo  
khaabonelo khe  
shisuubiso shino.



Aryo Nowa ni be  
muungo mweewe  
baarakikhisa bushaakha lwanyuma  
lwe khuusalasala khwe kameetsi.

Mu mbuka inyene, babaana  
babaama mu Nowa, beetsusa  
luundi shiibala shoosi.

Biibala byoosi  
bye mu  
shibala

byaama mu Nowa,  
ni basooleli beewe.



Nowa ni Khuusalasala khwe kameetsi

Luukano khukhwaama mu Lomo ya Wele,  
I Bayibuli

Inyoolekhana mu

Khuurakikha 6-10

"Biilomo byoowo nga byeenjiile bireera  
buwaanga." I Zabuli 119:130



Intasakamwo



Luukano Iwe Bayibuli luno lukhuboolela ifwe bibiihaamba  
khu Wele weefwe umukhulu, uwakhubuumba ifwe naluundi  
uukhukana iwe umumanye niye.

Wele waamanya ari ifwe khukhola bibiindu biibi biikali, byeesi niye  
umweene alaanga ari bibyoonako. Shitaambiso shye bibyoonako nikhwo  
khuufwa, ne Iwekhuuba Wele akhukana iwe naabi, waarumana Umwaana  
weewe Mutweela Yenyene, Yesu Kristo, khukhwiitsa khuukhufwiilila khu  
musalaba, aryo niye waataambisibwa Iwe bibyoonako byoowo. Lwanyuma  
Yesu waalamukha khukhwaama mu bafu weelayo Mwikulu! Iwe n'ufukiilisa  
Yesu, waamuloomba khuukhwiyakhila bibyoonako byoowo, kane ashikhole!

Niye Umweene kane eetse, amenye mwiiwe aluno ari,  
ni nawe umenye ni naye biilo ni biilo.

N'uuba nga waafukiilisile uri buno buli bwan'gali, loma shino isi Wele:  
O Yesu, ifukiilisa indi iwe uli wele, ne wekyela umuundu khuufwa Iwe  
bibyoonako byase, ni na ari uliwo umulamu luundi. Ari yinjila mu bulamu  
bwase, wiyakhile bibyoonako byase, nio inyalise khuuba ni buulamu  
bushaakha alunaari, nio lube lutweela niitse imbe ni nawe biilo ni biilo.  
N'unjeete imbe uwuliilisa byeesi uloma, imbewo khulwoowo  
nga umwaana woowo. Amiina.

Soma I Bayibuli, ukanikhatsake ni Wele buli busheele! Yokana 3:16

